

Zupfgigesänger 1928.

1. S'Schwimmbad wird nit z'gross
S'git e Pfütze blos
Kunsch dert use, s'isch kai Schläck
Trai'sch de-ne Andere ihre Dräck
Grippekimli und no Lis und Fleh!
2. Teddy-Bär isch's Best
wenn "Aini" dä im Nest
Dä tuet nur dra umme brumme
S'git kai Maitli, s'git kai Junge
D'Wulle git jo au e warme Bauch!
3. D'Lehrerschaft schloht Lärm
Sie hätt d'Schlüssel gärn
Dass wenn Ain am Tag isch z'ful
z'Nacht ka tolke in d'r Schuel
Schuelvogt Schmuser dä blibt aber hart!
4. Durch d'Röhre sust jetzt d'Post
Für d'Abstinente no dr'Most
D'Schulde deckt me unterm Bode
Und d'r Gläubiger blibt obe
Fir d'r Schwindler muess das praktisch si!
5. Scheen no Mitternacht
Het das Gländer kracht
Porzellan im Wage gsi
G'sprunge hangt's scho überm Rhi
Nur e kleine Ruck! Adie Wettsteibruck!
6. An d'r Handelsbank
Wird jede Fuhrma krank,
d'Schuggerei mit Händ und Fiess
Zeigt en wo-nr dure miess
Richtung ringsum, s'kunnt kai Teifel drus!
7. Personekultus schwer
Me tribt mit Biergärtner
d'Heide sin e Dräck d'rgege
Götzedienst tien d'Basler pflege
Tackt und blose g'scheidt
Nit vom Himmel keit!
8. Luftschlösser s'isch e Schmach,
Git's am Otterbach
Nit emol e Schneckehus
S'isch e Spekulanteschmus
Bauamt Tubeschlag, schloft am helle Tag!
9. Will d'Burg sich nit rentiert
Werde d'Wade dert prämiert
Z'mässe git's am Kalbfleisch gnue
s'bindet kaini d'Hose zue,
Fir d'r Schunke git's en extra-Preis!
10. Messingkäfer friss
d'Hauptsach nit vergiss
dert im Rothus d'Stir ewäg
Und no sunscht e Huffe Dräck
Räste no vom Zopf bis an Bubikopf!